



数据加载失败，请稍后重试！



数据加载失败，请稍后重试！

上海市中医文献研究館丛刊

黃疸專輯

上海市中医文献研究館 編

內 容 提 要

黃疸可以伴發于多種疾病。中醫文獻中對於黃疸証治的記載，極為豐富，但是散見在各家著作中，專書討論，尚不多見。上海市中醫文獻研究館特搜集了歷代有關黃疸的文獻，有選擇的輯成本書，提供中西醫師及學習祖國醫學者作為專証研究的參考資料。

全書分成四個部分：(1)經典，(2)前賢論萃，(3)各家醫案，(4)館員心得。前三個部分輯自內經以來歷代文獻中有關黃疸的重要記載和部分驗案，第四個部分是該館館員們對於黃疸証治的個人經驗心得。最後，附有經效單方及方劑索引，極便尋檢。

上海市中醫文獻研究館叢刊

黃 疸 專 輯

上海市中醫文獻研究館 編

*

上海科學技術出版社出版

(上海瑞金二路450號)

上海市書刊出版業營業許可證出 093 號

新華書店上海發行所發行 各地新華書店經售

上海市印刷三廠印刷

*

開本 787×1092 1/32 印張 4 22/32 字數 102,000

1962年6月第1版 1962年6月第1次印刷

印數 1—6,000

統一書號：14119·1044

定 價：(八) 0.38 元

前 言

黄疸一症，《內經》首发其端，仲景继之，論証既极精深，立方尤为明确，以是黄疸一門見于《伤寒》《金匱》者，几为我国千古医家辨証論治之准则，自唐宋迄于明清，其間千余年，名医輩出，論治綦繁，而其主旨，要亦未尝逾越仲景范疇。

前賢于黄疸有阴黄阳黄之分，謂阳黄宜清热利湿，阴黄宜調补心、脾、腎，以培血气。明代張景岳又有胆黄之說，謂为由大惊大恐及斗伤所致，治宜用甘温速救元气，或兼酸以收其散亡，或兼涩以固其虚脱，或兼重鎮以安其失守之神魂，或与开导利害，以釋其不解之疑畏，为論治疸病者，別創新徑，具有启发意义。

清人喻嘉言在《医門法律》中又分析黄疸病因不外外感和內伤两种，大旨則謂仲景所述疸症，見于《伤寒論》者，多属外感，見于《金匱要略》者，多属內伤。又以酒疸与女劳疸之色，同可作黑，但其本质則互有殊异，女劳疸之黑为腎气所发，酒疸之黑則为荣血腐敗，二者皆肺金治节之气不行而血瘀所致，其治疗难易，相距特一間耳。綜觀喻氏所論，对于《伤寒》《金匱》两书，独具特見，要言不繁，尤足借鉴。

总之，黄为中央戊己之色，黄疸多属太阴脾經，脾不胜湿，复挾火热，則郁而生黄，丹溪譬之蠹曲，誠为知言。

古来論疸者，巢氏《病源》首举三十余候，《圣济总录》继之，所列尤多，其中有为历代医家所闡述者，亦有向不經見者。然而一病之生，变端百出，虽不經見，理或有之，爰并集之以为

研究者参稽梗概之助。

解放以来,由于党的英明领导,中医中药的研究工作迅速开展,理論探討与临床实践不断获得新成就,对于治疗黄疸的显著效果,是努力于继承发揚的一証。我館爰就医經及历代名著中有关黄疸之論治与方剂,以及民間之驗方效方,擇尤选录,汇成專輯,借为研习之助。本館同人多属老年中医师,久經临床,亦就实验所及,特列心得一栏,附諸篇末,以供参考。

上海市中医文献研究館

1962年3月

編輯凡例

一、本書選輯部分，概依原文校錄，不予增損。凡論治原文僅舉方名者，今一律隨証列出，以便閱覽。但所附方劑，以文中初見者為限，重見時概不再出，如需參閱，可查方劑索引。

二、原著文字，由於版本不同，難盡一致，故引用書目并注明版本，可資考核。

三、本書輯選材料，皆按所錄原著時代先後為次序；館員心得則以完稿遲早順次錄出。

目 录

一、經典

1. 素問…………… 1
2. 灵樞…………… 2
3. 伤寒論…………… 3
4. 金匱要略…………… 5
5. 針灸甲乙經…………… 8

二、前賢論萃

1. 諸病源候論…………… 10
2. 千金要方…………… 13
3. 千金翼方…………… 18
4. 外台秘要…………… 18
5. 类証活人书…………… 28
6. 圣济总录…………… 29
7. 三因极一病証方論…………… 38
8. 針灸資生經…………… 43
9. 伤寒明理論…………… 43
10. 河間六书…………… 44
11. 此事难知…………… 47
12. 医垒元戎…………… 47
13. 丹溪心法…………… 48
14. 証治要訣…………… 50
15. 医学綱目…………… 52
16. 医学入門…………… 53
17. 医林绳墨…………… 57
18. 証治准繩…………… 58

19. 景岳全书…………… 61
20. 針灸大成…………… 66
21. 医宗必讀…………… 66
22. 証因脉治…………… 68
23. 医門法律…………… 70
24. 石室秘錄…………… 74
25. 張氏医通…………… 75
26. 医学傳灯…………… 79
27. 四圣心源…………… 81
28. 沈氏尊生书…………… 83
29. 医鏡…………… 92
30. 医彻…………… 93
31. 辨証奇聞…………… 94
32. 針灸集成…………… 102
33. 証治心得…………… 102
34. 章太炎先生論医集
…………… 104

三、各家医案

1. 張子和医案…………… 106
2. 李东垣医案…………… 107
3. 罗謙甫医案…………… 108
4. 虞天民医案…………… 108
5. 孙一奎医案…………… 109
6. 張石頑医案…………… 110
7. 叶天士医案…………… 111

8. 魏之琇医案·····	111	5. 湿热黄疸治驗案·····	123
9. 張仲华医案·····	112	6. 黄疸疗效三例分析 ·····	124
10. 王旭高医案·····	113	7. 湿热黄疸治驗·····	127
11. 林珮琴医案·····	114	8. 阴黄治驗一例·····	128
12. 蔣宝素医案·····	114	9. 治黄疸一得·····	129
13. 陈蓮舫医案·····	115	10. 治疗黄疸經驗一則 ·····	129
14. 曹滄洲医案·····	115	11. 黄疸治驗·····	130
15. 余听鴻医案·····	115	12. 阴黄用丸剂治驗·····	130
16. 張聿青医案·····	116	13. 漫談黄疸·····	131
17. 丁甘仁医案·····	116		
四、館員心得			
1. 治黄疸有效的民間 单方·····	118	[附]单方·····	133
2. 治虛黃驗案·····	119	方剂索引·····	137
3. 黄疸治驗二例·····	120	引用书目·····	141
4. 黄疸病医案·····	122		

一、經 典

1. 素 問

阴阳应象大論

中央生湿，湿生土，土生甘，甘生脾，脾生肉，肉生肺，脾主口。其在天为湿，在地为土，在体为肉，在藏为脾，在色为黄，在音为宫，在声为歌，在变动为噦，在窍为口，在味为甘，在志为思。思伤脾，怒胜思；湿伤肉，风胜湿；甘伤肉，酸胜甘。

〔編者注〕 中央、土也，在六气为湿，在五行为土，在味为甘，在脏为脾，在色为黄。黄疸大都为湿热郁蒸所致，故仲景有黄家但利其小便之說。

平人气象論

溺黄赤安臥者黄疸，已食如饥者胃疸，面肿曰风，足胫肿曰水，目黄者曰黄疸。

〔編者注〕 溺黄者肾热也，安臥者倦怠也，已食如饥者胃热消谷也，目黄者热积于中，上熏于目也。

玉机真藏論

风者，百病之长也。今风寒客于人，使人毫毛毕直，皮肤闭而为热，当是之时，可汗而发也；或痹不仁，肿痛，当是之时，可湯熨及火灸刺而去之；弗治，病入舍于肺，名曰肺痹，发咳上气；弗治，肺即傳而行之肝，病名曰肝痹，一名曰厥，胁痛出食，当是之时，可按若刺耳；弗治，肝傳之脾，病名曰脾风，发瘧，腹中热，煩心，出黄，当此之时，可按、可药、可浴。

〔編者注〕 风寒客于人，使人毫毛毕直，皮肤闭而为热。失而弗治，

即傳其所勝，由肺傳肝，由肝傳脾。風淫濕土而成熱，故善發黃瘧，內熱煩心，故溺出黃也。

通評虛實論

黃帝曰：黃疸、暴痛、癰疾、厥狂，久逆之所生也。

〔節張隱庵注〕 濕熱內郁而色病見于外，皆陰陽五行之氣久逆不和之所生也。

六元正紀大論

少陰司天之政……四之氣，溽暑至，大雨時行，寒熱互至。民病寒熱，噤干，黃疸，飢餓，飲發。

厥陰司天之政……四之氣，溽暑濕熱相薄，爭于左之上，民病黃疸而為臍腫。

〔編者注〕 四之氣為太陰濕土，與風火相薄，故民病噤干、黃疸。

2. 靈 樞

經脈篇

脾足太陰之脈……是動則病舌本強，食則嘔，胃脘痛，腹脹，善噦，得后與氣則快然如衰，身體皆重。是主脾所生病者，舌本痛，體不能動搖，食不下，煩心，心下急痛，澹瘕泄，水閉黃疸，不能臥，強立，股膝內腫厥，足大指不用。

〔編者注〕 脾喜燥而惡濕，濕滯于脾則生病變。濕郁熱蒸乃成黃疸，故仲景有黃家所得，從濕得之之說。

腎足少陰之脈……是動則病飢不欲食，面如漆柴，咳唾則有血，喝喝而喘，坐而欲起，目眈眈如無所見，心如懸，若飢狀，氣不足則善恐，心惕息如人將捕之，是為骨厥。是主腎所生病者，口熱舌干，咽腫上氣，噤干及痛，煩心，心痛，黃疸，腸澼，脊股內后廉痛，痿厥，嗜臥，足下熱而痛。

〔編者注〕 腎藏精而主骨，故腎病曰骨厥。腎之精液不能上滋，則

口热、舌干、咽肿、上气、噤干痛、心煩痛、黃疸、腸澼。本文所指黃疸，即《金匱》所謂女勞疸也。

論疾診尺篇

身痛而色微黃，齒垢黃，爪甲上黃，黃疸也。安臥，小便黃赤，脈小而澀者，不嗜食。

〔節張隱庵注〕此論中土之病，統見于五藏之外合，土灌于四藏也。身痛，病見于肉也；色黃，病見于皮也；齒垢黃，病見于骨也；爪甲上黃，病見于筋也。黃疸，脾家病也。脾病，故解體安臥。小腸為赤腸，心之府也。心主血脈，小便赤黃，脈小而澀，病見于脈也。小便赤黃，下焦熱也；不嗜食者，上焦虛也。蓋土位中央，而上下四旁皆為之應。

3. 傷寒論

漢 張仲景

太陽篇

太陽病中風，以火劫發汗，邪風被火熱，血氣流溢，失其常度，兩陽相熏灼，其身發黃。陽盛則欲衄，陰虛則小便難，陰陽俱虛竭，身體則枯燥，但頭汗出，劑頸而還，腹滿、微喘，口干、咽爛，或不大便，久則譫語，甚者至噦，手足躁擾，捻衣摸床。小便利者，其人可治。

太陽病身黃，脈沉結，少腹鞭，小便不利者，為無血也。小便自利，其人如狂者，血証諦也，抵當湯主之。

〔抵當湯〕水蛭三十個熬 蠭蟲三十個熬去翅足 桃仁二十個去皮尖 大黃三兩酒浸 右四味，為末，以水五升，煮取三升，去滓，溫服一升，不下，再服。

陽明篇

傷寒脈浮而緩，手足自溫者，是為系在太陰。太陰者，身當發黃，若小便自利者，不能發黃。至七八日大便鞭者，為陽

明病也。伤寒轉系陽明者，其人澀然微汗出也。

陽明病脈遲，食難用飽，飽則微煩頭眩，必小便難，此欲作谷疸。雖下之，腹滿如故，所以然者，脈遲故也。

陽明病無汗，小便不利，心中懊憹者，身必發黃。

陽明病被火，額上微汗出，小便不利者，必發黃。

陽明病面合赤色，不可攻之，必發熱，色黃，小便不利也。

陽明中風，脈弦浮大而短氣，腹部滿，脇下及心痛，久按之氣不通，鼻干，不得汗，嗜臥，一身及面目悉黃，小便難，有潮熱，時時噦，耳前後腫。刺之小差，外不解，病過十日，脈續浮者，與小柴胡湯。脈但浮，無余証者，與麻黃湯。若不尿，腹滿加噦者，不治。

〔小柴胡湯〕 柴胡半斤 黃芩三兩 人參三兩 甘草三兩 半夏半斤洗 生姜三兩切 大棗十二枚擘 右七味，以水一斗二升，煮取六升，去滓，再煎取三升，溫服一升，日三服。

〔麻黃湯〕 麻黃三兩去節 桂枝二兩去皮 甘草一兩炙 杏仁七十个湯去皮尖 右四味，以水九升，先煮麻黃減二升，去上沫，內諸藥，煮取二升半，去滓，溫服八合，復取微似汗，不須啜粥。余如桂枝法將息。

陽明病發熱汗出，此為熱越，不能發黃也。但頭汗出，身無汗，劑頸而還，小便不利，渴飲水漿者，此為瘧熱在里，身必發黃，茵陳湯主之。

〔茵陳湯〕 茵陳蒿六兩 梔子十四枚擘 大黃二兩去皮 右三味，以水一斗，先煮茵陳減六升，內二味，煮取三升，去滓，分溫三服，小便當利，尿如皂角汁狀，色正赤，一宿腹減，黃从小便去也。

傷寒發汗已，身目為黃，所以然者，以寒濕在里不解故也，以為不可下也，于寒濕中求之。

伤寒七八日，身黄如橘子色，小便不利，腹微满者，茵陈蒿汤主之。

伤寒身黄发热者，梔子蘗皮汤主之。

〔梔子蘗皮汤〕 梔子十五个 甘草一两 黄蘗二两 右三味，以水四升，煮取一升半，去滓，分温再服。

伤寒瘀热在里，身必发黄，麻黄连轺赤小豆汤主之。

〔麻黄连轺赤小豆汤〕 麻黄二两去节 赤小豆一升 连轺二两连翘房也 杏仁四十个去皮尖 大枣十二枚 生梓白皮一升 生姜二两切 甘草二两炙 已上八味，以潦水一斗，先煮麻黄，再沸，去上沫，内诸药，煮取三升，分温三服，半日服尽。

4. 金 匱 要 略

汉 张 仲 景

黄疸病脉証并治

寸口脉浮而缓，浮则为风，缓则为痹，痹非中风，四肢苦烦，脾色必黄，瘀热以行。

趺阳脉紧而数，数则为热，热则消谷，紧则为寒，食即为满。尺脉浮为伤肾，趺阳脉紧为伤脾，风寒相搏，食谷即眩，谷气不消，胃中苦浊，浊气下流，小便不通，阴被其寒，热流膀胱，身体尽黄，名曰谷疸。

额上黑，微汗出，手足中热，薄暮即发，膀胱急，小便自利，名曰女劳疸。腹如水状，不治。

心中懊懊而热，不能食，时欲吐，名曰酒疸。

夫病酒黄疸，必小便不利。其候心中热，足下热，是其証也。

酒黄疸者，或无热，靖言了了，腹满欲吐，鼻燥，其脉浮者

先吐之，沉弦者先下之。

酒疸心中热，欲呕者，吐之愈。

酒疸下之，久久为黑疸。目青、面黑，心中如噉蒜齏状，大便正黑，皮肤爪之不仁，其脉浮弱，虽黑微黄，故知之。

师曰：病黄疸，发热烦喘，胸满口燥者，以病发时火劫其汗，两热所得。然黄家所得，从湿得之，一身尽发热而黄，肚热，热在里，当下之。

脉沉，渴欲饮水，小便不利者，皆发黄。

腹满，舌痿黄，躁不得睡，属黄家。

黄疸之病，当以十八日为期，治之十日以上瘥，反极为难治。

疸而渴者，其疸难治；疸而不渴者，其疸可治。发于阴部，其人必呕；阳部，其人振寒而发热也。

谷疸之为病，寒热不食，食即头眩，心胸不安，久久发黄，为谷疸，茵陈汤主之。

黄家日晡所发热，而反恶寒，此为女劳得之，膀胱急，少腹满，身尽黄，额上黑，足下热，因作黑疸。其腹胀如水状，大便必黑，时溇，此女劳之病，非水也。腹满者难治。硝石矾石散主之。

〔硝石矾石散〕 硝石 矾石烧等分 右二味，为散，以大麦粥汁和服方寸匕，日三服，病随大小便去，小便正黄，大便正黑，是候也。

酒黄疸，心中懊恼，或热痛，梔子大黄汤主之。

〔梔子大黄汤〕 梔子十四枚 大黄一两 枳实五枚 豉一升 右四味，以水六升，煮取二升，分温三服。

诸病黄家，但利其小便，假令脉浮，当以汗解之，宜桂枝加黄芪汤主之。

〔桂枝加黃芪湯〕 桂枝三兩 芍藥三兩 甘草二兩 生姜三兩 大棗十二枚 黃芪二兩 右六味，以水八升，煮取三升，溫服一升，須臾飲熱稀粥一升余，以助藥力，溫服取微汗，若不汗，更服。

諸黃，豬膏發煎主之。

〔豬膏發煎〕 豬膏半斤 亂髮如雞子大三枚 右二味，和膏中煎之，發消藥成，分再服，病从小便出。

黃疸病，茵陳五苓散主之。

〔茵陳五苓散〕 茵陳蒿末五分 五苓散五分 右二物，和，先食飲方寸匕，日三服。

〔五苓散〕 澤瀉一兩一分 豬苓三分去皮 茯苓三分 白朮三分 桂二分去皮 右五味，為末，白飲服方寸匕，日三服，多飲暖水，汗出愈。

黃疸腹滿，小便不利而赤，自汗出，此為表和里實，當下之，宜大黃硝石湯。

〔大黃硝石湯〕 大黃 黃蘗 硝石各四兩 梔子十五枚 右四味，以水六升，煮取二升，去滓，內硝更煮，取一升，頓服。

黃疸病，小便色不變，欲自利，腹滿而喘，不可除熱，熱除必噦，噦者，小半夏湯主之。

〔小半夏湯〕 半夏一升 生姜半斤 右二味，以水七升，煮取一升半，分溫再服。

諸黃，腹痛而嘔者，宜柴胡湯（必小柴胡湯）。

男子黃，小便自利，當與虛勞小建中湯。

〔小建中湯〕 桂枝三兩去皮 甘草三兩炙 大棗十二枚 芍藥六兩 生姜二兩 膠飴一升 右六味，以水七升，煮取三升，去滓，內膠飴，更上微火消解，溫服一升，日三服。

〔瓜蒂湯〕 治諸黃。瓜蒂二十个 右銼，以水一升，煮取五合，去滓，頓服。

水气病脉証并治

黃汗之为病，身体肿，发热，汗出而渴，状如风水，汗沾衣，色正黄如蘘汁，脉自沉，从何得之？师曰：以汗出入水中浴，水从汗孔入得之，宜黄芪芍药桂苦酒湯主之。

〔黄芪芍药桂苦酒湯〕 黄芪五两 芍药三两 桂枝三两 右三味，以苦酒一升，水七升相和，煮取三升，温服一升，当心烦，服至六七日乃解，若心烦不止者，以苦酒阻故也。一爰用美酒醯代苦酒。

黃汗之病，两脛自冷，假令发热，此属历节。食已汗出，又身常暮盗汗出者，此劳气也。若汗出已，反发热者，久久其身必甲錯。发热不止者，必生恶疮。若身重汗出已輒輕者，久久必身瞶，瞶即胸中痛。又从腰以上必汗出，下无汗，腰髀弛痛，如有物在皮中状，剧者不能食，身疼重，煩躁，小便不利，此为黃汗，桂枝加黄芪湯主之。

5. 針灸甲乙經

晋 皇甫謐

足厥阴脉动喜怒不时发癰疽遺溺癰

气癰溺黃，关元及阴陵泉主之。气痛癰，小便黃，气滿塞，虛則遺溺，身时寒热，吐逆，溺难，腹滿，石門主之。小腸有热，溺亦黃，中脘主之。溺黃，下廉主之。小便黃赤，完骨主之。小便黃，腸鳴相逐，上廉主之。勞瘵，小便赤难，前谷主之。

五气溢发消渴黃瘵

黃瘵，刺脊中。黃瘵善欠，胁下滿欲吐，脾俞主之。消渴身热，面赤黃，意舍主之。黃瘵目黃，劳宮主之。嗜臥，四肢不